

北洋官報

目錄

宮門抄
 上諭
 交旨
 奏請○憲政編查館奏請覆核撫請裁冗員摺△吏部奏請以平滿勝錄留補錄事摺△禮部奏議裁江省拔貢名額摺△江督端方請獎勤學出力人員片△又奏遞署藩司各錄片△續川督趙奏勦辦夷務補摺公牘○督憲札一件△賑撫局照會一件△董事會移一件△吉林禁烟公所呈一件
 文告五則△電報六則△新聞十則
 禁約章程
 禁編○杭垣自來水公司招股簡章△江蘇鹽捕營引鹽

本局第一百八期法政學報現已出版

宮門抄

七月初三日 內務府 八旗兩翼值日 炤公 延伯各續假十日 定成 楊士琦各請假五日 掌禮司

奏初九日祭 奉先殿朗貝勒行禮 又奏初十日祭 奉先殿倫貝子行禮 胡思敬遞封奏一件

上諭

七月初三日內閣奉

上諭錢錫寶著賞給頭等侍衛作為駐藏參贊欽此

上諭山西大同府知府員缺著李德炳補授欽此

交旨

七月初三日 軍機大臣欽奉

諭旨御史胡思敬奏條陳學務一摺著學部知道欽此

奏議錄要

憲政編查館會奏議覆桂撫張鳴岐奏議裁冗員摺

奏爲遵 旨議奏恭摺會陳仰祈

聖鑒事三月十九日准軍機處鈔交廣西巡撫張鳴岐奏籌辦新定官制

議裁從前冗員一摺奉

硃批該衙門議奏單併發欽此原奏內稱今欲增有用之官以專責成宜先去無用之

官以節浮費督同三司詳加體察查有柳州府通判鬱林州州判布按經歷各府經歷知事各土州土縣所設之州同州判吏目典史龍勝廳之龍勝司巡檢等三十缺均屬閒曹一無責任擬先行裁撤此外佐貳雜職等缺目下府州縣佐治官猝難照章徧設該佐貳雜職等或任分防或典監獄與請裁各缺之毫無責任者不同擬俟設立佐治員時再行逐漸裁改等語查現在推行新政重在核實設一官須得一官之用自不容有閒冗者夙列其間原奏所稱欲增有用之官先去無用之官者洵不爲無見查閱原奏擬裁冗員約分爲兩項一爲同城之首領佐雜等缺該員等原有職掌久屬名存實亡不獨通判州判等佐治虛有其文卽布按府經歷各省向未議裁者其應辦之事非另延幕友襄理卽改派委員分司以致事多隔膜官等贅旒旣難以歷練人材且不免染成惰廢是以光緒三十三年五月總司核定官制王大臣有汰舊設新之奏近年廣東湖南請裁同知以下佐貳等缺均經奉准有案該省擬裁各缺情事正屬相符此裁撤同城閒冗首領佐雜各缺之屬可行者也一爲土州縣之州同州判等官定例土官多設漢員佐治當時固別有深意惟查光緒三十三年十一月該撫奏酌擬造就土官辦法摺內聲明各屬土官以就學畢業優等承襲其已病故及因案撤任之土忠州知州等二十三員缺均分別停止承襲不准回任暫由漢員彈壓等語是現在該省土州縣既有漢員彈壓與舊日情形不同原設佐貳等官之閒冗無事亦與柳州通判等相等去之無損於絲毫留之或轉多牽掣且原奏本擬裁汰舊官改設新官將來土州佐治漢員自須體察情形及時設立以資維繫亦不致有偏重土官之慮此擬裁土州縣佐貳等缺之屬可行者也臣等公同商酌原單請裁之廣

西布政司經歷按察司經歷柳州府通判鬱林直隸州州判桂林平樂梧州潯州南甯柳州慶遠泗城八府經歷太平鎮安兩府知事龍勝廳龍勝司巡檢忠州南丹江州萬承龍英太平思州七土州州同憑祥向武兩土州州判思陵結倫都結都康下雷五土州吏目忻城土縣典史共三十缺擬准一律裁撤此外該省佐貳雜職等缺應如原奏所請俟將來議設佐治員時再行逐漸裁撤以期官無冗事有責成原奏又稱裁缺人員內有升階者擬准分別請咨引 見驗看歸入升班補用及願補還官職與無升階各員一併歸裁缺補用孤缺並准借補各節吏部查

此次廣西所請裁撤布政司經歷等共三十缺既經憲政編查館議准所有裁缺各員內如有捐保各項升階應令該撫給咨赴部分別辦理其仍願補還官職暨並無升階者各以對品相當缺分歸於裁缺即用班內照例請補至裁撤孤缺人員亦應以對品之缺卽行借補俾免向隅原奏又稱裁缺節存廉俸等費請儘數留充籌辦審判廳之用一節度支部查此次該省裁撤各缺既經憲政編查館吏部議准所有節存廉俸等費據稱儘數留充籌辦審判廳之用自應准如所奏辦理惟每年節存廉俸等費若干審判廳應用若干均未聲敘應令廣西巡撫迅卽查明專案報部以憑稽考所有臣等遵 旨議覆張鳴岐奏請裁冗員各緣由謹繕摺會陳再此摺係憲政編查館主稿會同吏部度支部辦理合併聲明伏乞

皇上聖鑒謹 奏宣統元年五月十二日奉 旨已錄

吏部奏設八九品錄事請以年滿謫錄擬補並分別留部恭摺奏 聞仰祈

聖鑒事竊臣部先於本年正月十日奏請設八品錄事二十缺九品錄事三十缺以期滿謫錄充補其充補之員則以平日當差及書法兩項皆列

最優等者爲限仰蒙 俞允欽遵在案計自三十一年裁撤書吏改招謫錄以來其當差久者已歷四年有餘茲

據先後報滿共一百五十七名經各該司司員分列得力不得力逐一加考臣等復傳齊面試拔取最優等七十四名應卽查照定額將在前之員先行叙補各缺在後之員照章令其候補其中現有事故及不願留部呈請降改次

等者均依次扣除另繕清單恭呈 御覽俟奉 旨後由臣部知照度支部照各衙門錄事例一體給予八九品職俸俾資祿養如各該員補缺留部後有始勤終怠及不守官箴等情事仍應由臣等隨時撤叅或實有練習已

久爲臣部必不可少之員將來再屆期滿應外用者亦當破格保留酌予京階以示優異如此懲勸兼施尤足以補前章之所未備除此外優等中等人員應得獎敘容俟另案核奏外謹將臣部最優等謄錄擬補額缺並留部候補緣由恭摺具陳是否有當伏乞

皇上聖鑒訓示再此次甄叙謄錄係屬創辦凡在本年五月以前期滿者經臣等酌量一體飭令與考嗣後仍應以每年年底截止合併聲明謹 奏宣統元年六月二十五日奉 旨依議欽此

禮部奏議覆東督等奏請酌立江省拔貢名額摺

奏爲遵 旨議奏事內閣抄出東三省總督錫良等奏請酌立江省拔貢名額一摺於宣統元年六月十四日奉 硃批該部議奏欽此欽遵到部查原奏內稱江省拔貢向未定額從前滿蒙漢軍童試均學政收考編爲滿字合字兩號嗣設呼蘭綏化廳治始添設民籍學額現在通計滿字號滿洲生員二十九名合字號蒙古漢軍生員十七名呼蘭府生員三十二名綏化府生員二十三名應請酌定拔額照章選取據提學使張建勳詳請具奏前來懇 恩俯准將江省滿合民籍各設拔額一名等語臣等查拔貢一項自康熙二十四年始定爲府學二名州縣學各一名又光緒三十二年政務處奏准寬籌舉貢生員出路章程內開己酉科舉行拔貢照向額加倍考取又本年學部議准江西虔南廳請添拔貢額在學生員已有四十餘名准設拔貢一名等因各在案今該督等請將滿合民籍各設拔額一名自係爲疏通舊學生員起見臣等查該省存部學冊滿字合字兩號共生員四十餘名呼蘭綏化兩府共生員五十餘名核與歷次新添拔額成案相符擬如所請滿字號合字號准其合設拔額一名呼蘭府綏化府准其合設拔額一名均不得倍取所有臣等遵議緣由是否有當伏乞

皇上聖鑒謹 奏宣統元年六月二十四日奉 旨依議欽此

調補直隸總督兩江總督端奏請將辦學出力前工部員外郎程志和 賞給五品卿銜片

再江西新建縣在籍紳士四品銜工部虞衡司員外郎程志和風裁峻整學有本原由同治戊辰進士簽分工部遞升虞衡司員外郎在部二十餘年歷充要差以廉幹著稱嗣因請假回籍呈請開缺里居以來澹於榮利不求仕進主講鵝湖書院於象山之學多所發明尤嚴於義利之辨學者翕然宗之迨後 詔改書院爲學堂壬寅癸卯

之間江西學風囂然不靖官紳引爲深憂堅聘該員爲師範學堂監督並充學務公所議紳兩年以來修明正學啓迪新知漸染觀摩學風丕變至今談江西學務者無不盛推該員獎進之功洵足坊表羣倫轉移風氣合無仰懇

天恩俯准將四品銜前工部虞衡司員外郎程志和

賞加五品卿銜以資矜式出自

鴻慈逾格謹會同

江西巡撫臣馮汝駿附片具陳伏乞

聖鑒訓示謹

奏宣統元年六月十二日奉

硃批著照所請該部知道欽此

又奏遞署江甯藩司各缺片

再現任江甯布政使樊增祥欽奉

諭旨護理兩江總督所遺江甯布政使篆務應即以江甯提學使陳伯陶調

署遞遺提學使篆務查有江蘇候補道李瑞清堪以署理除分飭遵照外理合會同江蘇巡撫臣瑞澂附片具陳伏乞 聖鑒謹 奏宣統元年六月十三日奉 硃批知道了欽此

四川總督趙爾巽奏甯遠夷務兩次剿辦淺山一律肅清摺 (續昨報)

查白母子等支數年以來勾結涼山野夷焚殺擄掠無所不至甚至抗拒官兵劫奪槍械邊民塗炭戶口彫零商賈裹足其地逼近甯遠府城扼大道之衝若不及時平定必至釀成巨患幸賴將士用命戰守勤撫同時並用裹糧露宿不避艱險跋山越嶺辛苦尤甚使該支夷等力屈心折矢志投誠不再反覆且繳賠款完歲租呈造冊籍認款興學各事均爲從前辦理投誠所未經見實屬異常得力且自白母子等支投誠後其餘淺山大小支夷如施母等支素稱頑梗均各投誠乞撫時值農事方殷民狎於野淺山一帶一律肅清而深山如拉加支夷因去歲進兵受創最鉅今見淺山已就肅清深恐再加剿辦因亦呈繳難民十五人兇夷四人並投報緝獲魚水著名兇夷余子安送案懲辦以贖前愆認保進兵一帶大路此皆仰賴 朝廷德威遠播遂使頑梗野夷革心向化相率歸誠非奴才始慮所能計及除俟今秋再移得勝之師相機剿辦深山各夷以免邊隅地方長留甌脫致敢窺伺外合無仰懇

聖恩俯念甯遠地方夷氛素熾民困日深現經兩次勦辦迭獲勝利淺山一帶一律肅清准將在事尤爲出力之署甯遠府知府開復調川補用知府陳廷緒請免繳捐復銀兩仍以知府留川補用道員用前知府楊嘉紳請

免補本班以道員仍留四川前充補用候補直隸州知州秦啓賢請免補本班以知府仍留四川補用調川差遣候

補內閣中書李宗振請以同知留於四川補用補用千總王振清請免補千總以守備儘先補用儘先守備洪長楨請免補守備以都司儘先補用補缺後以游擊用候補都司何兆元請免補都司以游擊儘先補用補用游擊朱登五請免補游擊以參將儘先補用靖遠營守備請補冕山營都司楊枝茂請俟准補都司後以游擊儘先補用前署建昌鎮總兵准補維州協副將鳳山二品銜前署建昌道馬汝驥二員均請交部從優議叙以昭激勸出自 逾格鴻慈至建昌鎮總兵田振邦身親鋒鏑殄除鉅患惟係專閫大員應如何優予獎勵之處伏候 聖裁其餘出力文武員弁容奴才查明擇尤保獎陣亡兵勇分別請卹庶使邊隅將士旣感 朝廷有功必賞之恩而僻野邊氓益深 國家拯溺救焚之德所有甯遠夷務剿辦得手淺山一律肅清請將在事出力人員給獎緣由是否有當謹會同成都將軍奴才馬亮四川提督奴才馬維騏恭摺具 奏伏乞 皇上聖鑒訓示再此摺係彙合兩案併保合並陳明謹 奏宣統元年六月二十七日奉 硃批該部議奏欽此

公牘錄要

督憲端准稅務大臣咨請飭各關嚴禁外洋銅元手搖機器札飭各海關道遵照文

爲札飭事准 督理稅務大臣咨准 度支部咨稱前准 外務部迭次咨稱駐京各國使臣因華商銀行發行銀票既無限制又無準備恐有危險又謂畫一國幣關係重要請從速定期通行以代現用複雜之各類銀錢以保中國市面之名譽及維持各國貿易之利益又謂中國國法過形紛擾其故有二一因銅幣減價一因票紙叢出若不設法挽救恐生極大之困難請速籌辦各等因咨部查照見覆等因查釐定幣制事體繁重本部現正設局調查預備劃一之規至應行籌辦各事現已逐件舉辦如官商銀錢行號濫發票紙釐定專章以維幣制一節本部業經具奏通咨在案至銅元奏請停鑄已經年餘各省業已陸續停鑄現正飭令造幣總廠照現在市面通用銀元精鑄銀幣以代現用各種銀元爲劃一國幣之基礎惟查外國商人在我國發行紙票爲數不少實爲商民藉口之資嗣後外商所發票紙不載人名期限類於紙幣者至五年限滿禁止出票之時中國商民一概不准行用庶辦理可期劃一而國法得以整齊至若私鑄通用貨幣私造紙幣以及供給此項材料者各國大都立法嚴禁近聞沿海僻靜處所時有奸民私購外國銅餅用手搖機件壓成銅元販入市面是官鑄雖停仍難保價值之不減除咨覆外務部外

應咨行通飭各海關嚴密稽查禁止等因前來查嚴禁外國銅元銅餅暨手搖機器私運進口迭經本處通飭遵辦在案茲准前因相應咨行貴大臣查照轉飭各關監督遵照辦理可也等因到本大臣准此除分行外合行札飭札到該道即便遵照辦理此札

直隸賑撫局照會天津商會勸辦賑捐事宜文

為照會事宜統元年六月二十二日奉 署督憲那札開准 新授陝甘總督部堂長佳電內開甘省連年荒旱飢民待哺孔殷庚適蒙 恩簡承乏其間深愧德薄能鮮無以彌救現因道遠到任需時屢接甘電民困已深災區甚廣非廣籌義賑難期接濟已在上海設立甘肅籌賑公所夙仰諸公痼瘼在抱飢渴為懷務祈設法廣勸共發慈悲量力捐助以拯災黎如有成數并乞匯交上海籌賑公所代收轉寄專電奉懇不勝翹企盼禱之至等因到本署閣督部堂准此除電覆外合行札飭札到該局即便查照遵辦此札計粘抄覆電等因奉此除分別移行外相應抄電備文照會貴商會請煩查照勸辦望速施行須至照會者

天津縣董事會移津浦鐵路購地局文

為移請事案查董事會前據直隸調查津浦鐵路事務員閻鳳閣等說帖陳述直隸同人公舉代表赴京請求 鐵路督辦大臣將總站設在趙家場後地方業蒙當面允許惟恐有牟利之徒預購該處地畝以為居奇之計將來路局購地必至以價值過昂諸多窒礙擬請移請天津縣立案所有趙家場圍牆內外一帶之地非經董事會調查明確認可後不得私相授受以防流弊一俟站台界址劃定購地局秉公發價外餘地再由業主自便等因當經據情移請天津縣尊備案旋接覆稱查津浦鐵路在津總站是否設在趙家場並無成議請以該處地畝不准民間買賣先予立案應俟議決再行商酌等語現閱商報覆 前督辦大臣函知河北趙家場後設立總站一事業經詹孫兩觀察會勘合宜面奉 前督辦大臣允定函行商會在案按津浦總站設於趙家場後地方既經定議所有站台界址應請貴局早為勘丈劃定俾敝會移文天津縣聲明界址以內地畝不准再有私相授受以防流弊而界址以外地畝仍由業戶自便免致延累實為公便為此備文移請貴局查照辦理並希見覆施行須至移者

吉林禁煙公所呈覆移行禁止沿鐵道一帶地方栽種罌粟文並批

爲呈覆事奉憲台札開民政部案呈宣統元年五月初八日准奉天行省咨開案據鐵嶺交涉分局程守呈稱日昨
日領事來局談及長春以北各站亦有栽種罌粟何不一併禁止等語查長春以北各站有無栽種職局未經調查
設不一律禁止則此重彼輕有所藉口且在鐵路界內栽種罌粟多係華民勾串藉此圖利應請嚴懲一二以儆效
尤等情據此查禁種罌粟原爲今日急切之圖若鐵道用地內猶有存留根株究未斷絕甚非禁絕本意日領事所
請及程守所稱均不爲無見自當實行查禁除札飭奉天所屬南滿鐵道沿綫各府廳州縣查禁外相應咨行貴行
省衙門請轉飭東清鐵道沿綫各府廳州縣切實查明禁絕等因准此查吉省各屬禁種罌粟早經通飭曉諭並由
民政部派員分投查禁在案鐵路界綫以內同爲吉省土地自應一律禁種以期早絕根株茲准前因除分行外合
亟札飭札到該公所即便知照此札等因奉此伏查鐵道沿綫地畝私種罌粟事關鄰國交涉如但飭令各地方官
查禁恐難得力本公所當經移行濱江關道西路兵備道遵照憲札照會日俄兩國領事署暨東清南滿鐵路局轉
飭鐵路各站知照再由該道飭知交涉各分局會同辦理本公所一面分札鐵路沿綫之長春府長嶺縣雙城廳濱
江廳賓州直隸廳綏芬廳各府廳州縣立即會同交涉局員並鐵路各站實力協助務將路綫以內地畝私種罌粟
查明一律剷除以免窒碍而期妥速所有本公所遵札分別移行札飭將鐵道沿綫地畝私種罌粟一律剷除緣由
是否有當理合具文呈覆伏乞憲台查核施行須至呈者

東督錫吉撫陳 批長春府以北各站沿鐵道地方應亟一律禁種罌粟以昭劃一仰卽如呈移行一體查禁剷除
務絕根株切切此繳

文告錄要

農工商部批示○建甯商會稟 批稟及表冊二件均悉查茶紙杉木樟腦等物皆爲今日世界極大之銷場建甯
各邑既擅此天然之土產如善爲經營其利何可限量今閱該會調查土貨表冊或以無利可圖而相繼歇業或
雖有微利而苦於出產之少貨棄於地殊屬可惜該總理等務宜勸導衆商將應如何推廣種植改良辦法之處
切實整頓是爲至要此批○北般島華商總會稟 批據稟奉到關防開用日期並稱該商會正總理曾道濱回
國考查商務現以林文澄吳木林等暫充正副總理等情既係公推應准備案可也此批

藩台批示○蠡縣供事蔣式敏等稟地糧加征請核辦 據稟該縣戶庫書吏朦蔽新任張令征收上忙糧銀尾欠每兩數逾折制錢二千顯係違章浮收等情該縣征收錢糧應有現行定章豈容稍事紊亂况上忙糧銀前任已將征完張令接征尾欠自應仍照前收之數折征何得率行更章加收辦理殊屬不合昨已委員前往按照所稟情形確查據實稟覆應俟覆到再行核辦合先牌示知照

藩台批示○定興縣孀婦史劉氏呈 批此案尙未據保定府查覆虛實無從察核候札催保定府迅速委員前往確切查明詳覆核奪爾仍回籍靜候毋誤

學台牌示○爲牌示事據朝陽府申稱府屬小學堂教員張樹芝賈鴻儒於赴津考試時就便參觀津郡學堂等情應行照准爲此牌示仰該教員張樹芝賈鴻儒即日來司領取參觀券以憑分赴各堂參觀藉資取益須至牌者○又牌示事案據鹽山縣申送業已除名之附生崔澄江求請開復造冊送考前來查該生除名已久何得率行冊送除批駁外合行牌示仰即遵照此示

天津縣議事會議覆公告○王鴻儒說帖爲合謀霸產不違判斷事 議覆說帖閱悉事關民事爭議且已成訟應候審判廳訊斷本會無提卷評議辦法此覆○孫鳳和等說帖爲合謀設計捏控奪佃叩恩俯議以救性命事 議覆說帖閱悉此案業經高等審判分廳集訊如將案內卷宗移交到會自應照章評議此覆○邱蔚卿說帖爲地畝轉轄事 議覆說帖閱悉此案業經高等審判分廳集訊如將案內卷宗移交到會自應照章評議此覆○趙家場四村喬振廷等說帖爲合議報効賞派專差懇乞詳議備案以杜奸人干預而專責成事 議覆說帖閱悉查車站設立脚行總局應有定章在會無備案之權此覆○張惠霖等說帖爲指摘復選當選人事 議覆說帖閱悉本會按選舉事宜關係組織議會地方人民自能周知以昭公允凡選舉爭議情事皆將原文公布此次說帖雖有秘密字樣仍應一律公允免致辦法兩歧此覆

附錄天津官事○督憲於初一日乘坐專車由津赴赴

西陵叩謁

德宗景皇帝梓宮昨日午後七點半鐘仍乘專車回津

電報錄要

路透電○摩洛哥國通智爾埠電云摩王兵隊將僞王擊敗俘虜甚多並將軍用器械全行掠去現該僞王已經逃

避此次一敗塗地勢力盡失不克復振矣

又電○比利時阿洛伯德親王遊歷剛果現回北京聲稱此次考查剛果情形大有期望該處利源甚大若能代土人設各等善法將來必大有進步

又電○據駐摩國米利拉地方特別訪員報告現在西班牙陸軍大將馬潤納氏統帶步兵三萬人騎兵一千五百人並攜帶野戰砲十六尊過山砲四十尊軍容甚盛聞該處摩人頗有不支之勢

又電○土皇照會列強政府謂列強既贊成土國所行新政請將列強派在馬其頓管理財政之委員撤退歸土國自行派員管理云

柏林電○克里德島農人在堪尼亞亞地方將希臘國旗復行懸掛並竭力保守現在列強兵艦有八艘航抵該島擬迫令將希臘國旗撤下德奧兩國因土國宣布對於該島之辦法甚為和平擬不預此事

又電○歐洲列強照會土政府要求將土國自派委員管理馬其頓財政問題作罷

又電○英皇擬於奧皇誕日與奧皇相會時竭力聯絡英奧兩國邦交

又電○俄皇現在宣布明文擬於西十月往土京遊歷

新政紀聞

政治

法部設立研究所○法部各堂議及訊案一事雖有成律但鑒貌辨色揣情測理則惟視訊案之能力若何若性稍固執流弊殊所難免擬在署內設立裁判研究所一處俾承訊各員入所研究庶於訊案一事能收活動之效果

組織七邑調查協會○浙江嘉興府七邑調查協會經沈紳鈞儒葛紳嗣彤等八人發起以補助議員之不及照諮議局章程第二十一條所規定諮議局應辦事件為範圍分議事幹事兩部規定簡章十三條於上月二十四日假宏文館集議辦法

諮議局開會之預備○湘省建築諮議局一事早經撫院札委朱樾庭湯稚庵兩觀察承造奈酌天津浙江圖樣勸

定北門內富有坪泰將衛署地址招工包造惟工程浩大八月內萬趕不及日前由籌辦處司道會議屆時先假府學明倫堂開會另派蔣哲生大令佈置一切所有演說台書記席特別旁聽席旁聽席等均如圖改設將來重修歸原學宮首士亦已會議認可日來正在添工趕修

學務

造送分省服務生赴調表冊○京師大學堂本屆師範畢業生應分派各省服務者現已派竣昨經該堂將各生赴調省分名姓列表咨送學部存查矣

農業學堂續招新生○保定省城直隸高等農業學堂續招中學班廣告云 資格 曾在高等小學畢業或中學肄業得有文憑者 年限 三年畢業 學費 每月學膳費五元書籍操衣在外 保證 考取後先交保證

金十元並取具同官保結 考期 七月初一日至初七日止各持文憑相片來堂報名初八日考試

定期會考小學生○天津勸學所致各小學堂公啓云敬啓者現擬於本月十四日上午八點鐘會集圍牆以內及圍牆以外地址較近各堂高等第四三兩學年級學生在東馬路宣講所會考其試題係(國文算術)兩藝所有貴堂合格應行預考學生姓名及文算兩科程度務祈於初九日以前分別年級開具清單函送敝所以便造冊備卷屆期仍祈管理員帶領各生藉資照料專此即請公安

軍政

訂正巡防弁兵名稱○安徽巡防營務處日前詳申撫院內稱皖省原訂巡防隊章制本係按照部頒巡防隊暫行章程參酌議訂當時因查皖省各防營舊有官醫一名槍匠一名部章無此名目惟司書生例有五名而皖制向祇營書三名故擬節省司書生二名改設官醫槍匠各一名仍符三百一員名之數業經詳奉前憲台咨部核准照辦在案現在三路巡防各營均係照此章制一律辦理非僅此新添三營每營多設官醫槍匠各一名應請准予裁減以符定制至副哨即哨長之別稱號鼓手即鼓號兵之另名自應遵照部章將哨長鼓號兵名目更正緣奉前因所有營制內官醫槍匠並非多設請免裁減仰祈鑒核咨部查照

陸軍操演夜行軍法○湖北陸軍第四十一標易統帶因見近日天氣異常炎熱各目兵操練各種技術恐染時症

每日如下操時限必酌減學科另星期三六兩日於下午六點鐘出發至寬闊地面操演夜行軍不用口令以旗號爲記二點鐘始拔隊回營意者使目兵呼吸空氣不受瘟疫云

商務

借款恤商之計畫○兩淮運司吳都轉致海州電云海州板中鹽三場大使蒸電悉義倉積穀銀兩應准動撥望速

稟海分司飭發督商散給稟報查考並嚴禁尅扣擾累爲要至請借庫款候核明另電飭遵嗣又電云昨覆真電

諒到垣商借款查庚綱已有扣款萬難一借再借且新灘係屬移舖又何能分爲兩事此次上憲電飭注重恤灶

而該大使等偏重於商率代稟借庫款數萬兩之鉅殊難核准現李運判已由揚回壩業已面飭查明情形酌議

辦法稟候核辦矣仰卽遵照 板浦三場鹽商公電吳都轉云揚州運憲鈞鑒由場傳論文電敬悉伏查庚綱扣

款僅有裕甯尾欠然在庚綱尾價內扣還故此大稟求借款請在庚辛兩綱駁價內扣繳以免蹈空實非朦混新

灘受災最鉅權在餘鹽項下借款撫恤開運扣繳以免欠懸非關移舖不移舖也至灶丁爲商等雇工雇一灶丁

而灶丁全家皆商養活按月付口糧外生養死葬無不周恤設遇年荒撫恤尤鉅故水旱奇災或賑或糶未有及

乎灶丁而灶丁無一失所者商等任之也商困則灶無依灶困惟商是賴商力未逮誠如上憲所言不得已瀝陳

下情再叩恩施籌備以安危局三場垣商公叩 吳都轉電致護督樊雲帥云南京督憲鈞鑒淮北灶丁被水成

災一案仰蒙電飭轉電李運判酌量情形應如何撫恤電稟核辦等因當卽轉行三場大使查明電復並經署司

電飭該場等稟由分司將義倉積穀銀兩飭發督商散放稟報查考並嚴禁尅扣擾累至請借庫款查庚綱已有

扣款未便再借新灘係屬移舖又不能分爲兩事卽飭李運判查明情形酌議辦法稟候核辦並飭該場等論商

遵照茲又據三場垣商電覆在案查灶丁動用積穀散放所有該商等請借庫款合計需七八萬兩之鉅未便核

定除再電李運判查明情形稟辦外特此電稟鑒核示遵司叩

委辦商埠工程事宜○湖南常德府爲湘省西路第一繁盛之區自前年奏請開闢商埠迭經勘定新關及通商場

地址所有一應工程事宜向由武陵縣隨時兼理現經升任湘臬前岳常澧道周廉訪儒臣以卸署武陵縣俞伯

琴大令素諳交涉爰特呈請撫台委辦開闢商埠工程事宜以資熟手而專責成

第十二節 凡有股票轉賣及遺失者應由本人先登杭滬各報聲明滿一個月邀同妥保向本公司換給股票息摺或補給

第十三節 凡股票收據如有遺失轉賣分開合併或更名號須換給股票息摺者應由該股東按繳本公司所定相當之換票費

第十四節 凡認股人如已繳第一期其第二三期逾期不繳者當遵照商律第四十一四十二條辦理

第三章 股東會

第十五節 本公司股東會未成立以前即由發起人中公推創辦董事人擔認招股事件所發收據均由創辦董事簽押為憑俟第一期股款收足後再開股東會公舉總協理董事查賬人創辦董事即行撤銷

第十六節 本公司股東會未成立以前所收股款均存於各銀行錢莊所有開辦時一切用費皆由發起人擔認不向股款中開支

第十七節 本公司俟第一期股款收足後即召集各股東開大會公決公司章程及選舉總協理董事查賬人第十八節 總協理董事及查賬人之人數資格任期薪水等均由股東會公決之

第十九節 凡附本公司十股以上者均有議決及選舉權其權數之多寡按浙路公司章程以次遞加第二十節 本公司股東會每年於二月間舉行於開會前二十日除登報外凡有十股以上之股東皆用函知如遇緊要事件由公司刊發傳單開臨時股東會其會議及選舉章程均遵照商律辦理

第四章 組織

第二十一節 董事會議章程俟股東會成立時公定之

第二十二節 董事查賬人及總協理之權限別以專章定之

第二十三節 本公司職員由股東或非股東保薦總協理任用其責任仍由薦保者擔認

第二十四節 本公司大小職員無掛名乾修等名目

第五章 會計

第二十五節 本公司於每年十二月爲決算之期俟次年二月呈報股東年會年會決議後定期分派股息及餘利領取時以息單爲憑

第二十六節 本公司年終總結之賬必須經查賬人簽押爲憑並將出入款項營業情形產業項目並次年設計預算於股東年會時分別報告除登報外每有十股以上之股東均印送一分

第二十七節 本公司之賬目除日結月結外年終一總結除股息開支償還固定資本之折耗等並提存次年股息開支外所有贏餘卽爲紅利作二十成分計 十二成分派各股東 三成辦事人（總協理以下各職員）

一成創辦人 一成董事及查賬人 三成公積銀

第六章 附則

第二十八節 以上各條作爲暫時試辦招股之簡章其詳細章程俟股東會成立時再行另訂詳章

第二十九節 凡本章程所未經規定者可依奏定公司律辦理

江蘇鹽捕營引鹽禁約章程

一營勇通匪放私久爲鹽捕痼習嗣後應責成各該管帶隨時稽查約束明白誥誡使知輕重利害俾得潛移默化倘有不守營規仍敢勾通梟匪得錢賣放或合夥私販或搭股分肥一經察出定按軍法從事各該管帶如果更無覺察并不據實稟揭亦卽從嚴叅辦

一各營兵丁須由營官按名嚴給腰牌一面填明年貌箕斗以別真僞兵弁與店舖交界尤宜公平給價不准強賒硬賣倘有擾害良民裁贓索詐以及一切不法情形准由受害人指名稟控分別治罪

一弁勇拿獲私鹽務宜全數繳公按斤領賞倘敢隱瞞朋分或私自受賣查出斥革究辦

一鹽捕專任緝私雖與防營新軍性質不同但兵丁不知槍砲之法設遇私販拒捕何能制敵本年已由瑞前總統每營發給巡緝隊兵士數名補充哨弁船長原爲教習操練起見應令輪流教授以期逐漸純熟至各船槍械尤宜妥爲保存措擦潔淨本代統不時派員查驗如有任令銹澀損壞等情定卽嚴加懲罰

腿如針刺

○廣東製藥師患骹骨疼痛之症甚劇曾為韋廉士大醫生紅色補丸所治愈 骹骨疼痛係腦筋之疾所致也其病狀即腿後筋系刺痛自臂至膝痛不堪言有時祇在一腿有時兩腿皆痛其症甚危若輕忽不治必將成為可畏之瘋癱症而盡奪其動作之力矣韋廉士大醫生紅色補丸為補腦之聖藥曾治愈全球患骹骨疼痛者已不下數千萬人即如廣東沙基大街屈臣氏大藥房副經理周君耀輝亦為諸多所治愈而感恩者之一也茲將其保證書照錄如左云○曩者余覺右腿刺痛日甚一日勢如針刺痛穿骨髓甚極痛極不克行走祇可將腿平置而坐每因受此痛苦以致不能供職久之其痛由而轉至左腿其勢更甚左腿發腫而又發炎不啻重加酷



廣東周耀輝先生患骹骨疼痛之症為韋廉士大醫生紅色補丸所治愈

刑右腿如此衰頹為人毫無生趣自維難望獲痊雖曾商諸醫生試服中慘楚日多驗後承友人之勸謂曾服韋廉士大醫生紅色補丸而藥絕無效得奇功者余即依言嘗試之不意韋廉士大醫生紅色補丸幾於余所患之症立見功效蓋余僅服一瓶其痛大減爰再耐心試服未幾痛苦全消十分全愈矣余深感韋廉士大醫生紅色補丸我腿疾甚願將此保證書登諸報牘以望世之同病者試服是丸而證其治疾之奇功也 韋廉士大醫生紅色補丸為大英才智超羣聰穎絕倫之大醫生所

製造其聲名昭著於歐美澳洲以及南非洲已歷有年為補血補腦之聖藥又為醫治由血不潔血薄若水或腦筋失調所起各症之良方曾於諸般疾病中治愈 血惡虧症 諸虛白損 少年斷喪 陽萎不舉 風溼骨痛

骹骨疼痛 左癱右瘓 氣腳衝心 山林瘴氣 肝經各病 胃不消化 頭痛頭暈 瘡疥疔疹 胸膈疼痛

癆病初發 以及少壯婦女 經水不調 背骨疼痛 氣鬱不舒等症莫不其效如神焉 韋廉士大醫生紅

色補丸○中國各處商店藥局凡經售西藥之處均有代售或直向上海九江路B字第八號 韋廉士大醫生藥局

總發行處購買亦可 價銀每六瓶大洋八元每一瓶大洋一元五角 遠近郵費一律不取

商務印書館出版各書上海總發行所

中外政法要書

議員必讀

嚴又陵先生譯著

欽定大清會典 十冊 一元二角
 憲政大綱 三冊 三角
 各省諮議局章程 四冊 四角
 各省諮議局章程要義 二冊 二角五分
 訂正學界語言 一冊 一角
 天演論 一冊 一角五分
 孟德斯鳩法意七冊 七冊 三元九角
 政治學 一冊 一元二角
 名學淺說 一冊 一元

欽定大清會典及事例 一百六十冊 二元
 大清光緒新法令 一冊 六角
 列國政要 三冊 三角
 城鎮地方自治章程 三冊 三角
 地方自治章程要義 一冊 一角五分
 地方自治章程通釋 一冊 一角五分
 日本議會法規 一冊 一角五分
 十六國議院典例 一冊 一角五分

漢譯日本法規大全 八冊 廿五元
 漢譯日本六法全書 一冊 一元半
 警察講義 一冊 五角
 警察講義錄 一冊 五角

各種彩色地圖
 大清帝國全圖 一冊 四元
 大清帝國射圖 二冊 三元
 大清帝國總圖 一冊 二元
 大清帝國各處分圖 一冊 二元
 大清帝國各處分圖 一冊 二元
 大清帝國各處分圖 一冊 二元
 大清帝國各處分圖 一冊 二元

政治類各書
 日本菊池學而憲政論 四冊 四角
 日本高田早苗政學及比較憲法 二冊 二元
 日本憲法研究書 一冊 一元
 日本右為憲政類之過去事實 一冊 一元
 日本右為憲政類之過去事實 一冊 一元
 日本右為憲政類之過去事實 一冊 一元
 日本右為憲政類之過去事實 一冊 一元

各種雜誌
 教育雜誌 每月一冊 每冊三角
 東方雜誌 每月一冊 每冊三角
 外交報 每月三冊 每冊一角

日本憲井政章 民法原論 二冊 二元
 日本清水澄 行政法各論 一冊 一元二角
 日本土子金四郎 國債論 一冊 一元
 日本橫山雅男 統計通論 一冊 一元
 日本小泉又一 歐美教育實際 一冊 一元二角
 日本黑田日 明治學制沿革史 五冊 五元
 日本小泉又一 歐美教育實際 一冊 一元二角
 日本小泉又一 歐美教育實際 一冊 一元二角

日本憲井政章 民法原論 二冊 二元
 日本清水澄 行政法各論 一冊 一元二角
 日本土子金四郎 國債論 一冊 一元
 日本橫山雅男 統計通論 一冊 一元
 日本小泉又一 歐美教育實際 一冊 一元二角
 日本黑田日 明治學制沿革史 五冊 五元
 日本小泉又一 歐美教育實際 一冊 一元二角
 日本小泉又一 歐美教育實際 一冊 一元二角

日本憲井政章 民法原論 二冊 二元
 日本清水澄 行政法各論 一冊 一元二角
 日本土子金四郎 國債論 一冊 一元
 日本橫山雅男 統計通論 一冊 一元
 日本小泉又一 歐美教育實際 一冊 一元二角
 日本黑田日 明治學制沿革史 五冊 五元
 日本小泉又一 歐美教育實際 一冊 一元二角
 日本小泉又一 歐美教育實際 一冊 一元二角

日本憲井政章 民法原論 二冊 二元
 日本清水澄 行政法各論 一冊 一元二角
 日本土子金四郎 國債論 一冊 一元
 日本橫山雅男 統計通論 一冊 一元
 日本小泉又一 歐美教育實際 一冊 一元二角
 日本黑田日 明治學制沿革史 五冊 五元
 日本小泉又一 歐美教育實際 一冊 一元二角
 日本小泉又一 歐美教育實際 一冊 一元二角

日本憲井政章 民法原論 二冊 二元
 日本清水澄 行政法各論 一冊 一元二角
 日本土子金四郎 國債論 一冊 一元
 日本橫山雅男 統計通論 一冊 一元
 日本小泉又一 歐美教育實際 一冊 一元二角
 日本黑田日 明治學制沿革史 五冊 五元
 日本小泉又一 歐美教育實際 一冊 一元二角
 日本小泉又一 歐美教育實際 一冊 一元二角

日本憲井政章 民法原論 二冊 二元
 日本清水澄 行政法各論 一冊 一元二角
 日本土子金四郎 國債論 一冊 一元
 日本橫山雅男 統計通論 一冊 一元
 日本小泉又一 歐美教育實際 一冊 一元二角
 日本黑田日 明治學制沿革史 五冊 五元
 日本小泉又一 歐美教育實際 一冊 一元二角
 日本小泉又一 歐美教育實際 一冊 一元二角

日本憲井政章 民法原論 二冊 二元
 日本清水澄 行政法各論 一冊 一元二角
 日本土子金四郎 國債論 一冊 一元
 日本橫山雅男 統計通論 一冊 一元
 日本小泉又一 歐美教育實際 一冊 一元二角
 日本黑田日 明治學制沿革史 五冊 五元
 日本小泉又一 歐美教育實際 一冊 一元二角
 日本小泉又一 歐美教育實際 一冊 一元二角

日本憲井政章 民法原論 二冊 二元
 日本清水澄 行政法各論 一冊 一元二角
 日本土子金四郎 國債論 一冊 一元
 日本橫山雅男 統計通論 一冊 一元
 日本小泉又一 歐美教育實際 一冊 一元二角
 日本黑田日 明治學制沿革史 五冊 五元
 日本小泉又一 歐美教育實際 一冊 一元二角
 日本小泉又一 歐美教育實際 一冊 一元二角

日本憲井政章 民法原論 二冊 二元
 日本清水澄 行政法各論 一冊 一元二角
 日本土子金四郎 國債論 一冊 一元
 日本橫山雅男 統計通論 一冊 一元
 日本小泉又一 歐美教育實際 一冊 一元二角
 日本黑田日 明治學制沿革史 五冊 五元
 日本小泉又一 歐美教育實際 一冊 一元二角
 日本小泉又一 歐美教育實際 一冊 一元二角

日本憲井政章 民法原論 二冊 二元
 日本清水澄 行政法各論 一冊 一元二角
 日本土子金四郎 國債論 一冊 一元
 日本橫山雅男 統計通論 一冊 一元
 日本小泉又一 歐美教育實際 一冊 一元二角
 日本黑田日 明治學制沿革史 五冊 五元
 日本小泉又一 歐美教育實際 一冊 一元二角
 日本小泉又一 歐美教育實際 一冊 一元二角

日本憲井政章 民法原論 二冊 二元
 日本清水澄 行政法各論 一冊 一元二角
 日本土子金四郎 國債論 一冊 一元
 日本橫山雅男 統計通論 一冊 一元
 日本小泉又一 歐美教育實際 一冊 一元二角
 日本黑田日 明治學制沿革史 五冊 五元
 日本小泉又一 歐美教育實際 一冊 一元二角
 日本小泉又一 歐美教育實際 一冊 一元二角

天津分館開設河北大胡同電話五百二十六號

勸賑隴災啟

啟者昨聞甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會寧碾伯及各土司又先後報災邊地高寒水泉素乏童山彌望生植不饒一遇旱乾即成凶禮現被災之區草根樹皮掘取殆盡鄉間人口牲畜已多餓斃又接甘省紳士紛紛來函據稱該省不啻十人相食之慘窮民紛紛逃糧價日增麥已漲至每石三十六兩七兩稻草已漲至每斤二十七文視向來之多雖伏念甘省僻在西陲地瘠民貧蓋藏本鮮此番被災時則非再有巨款接濟何能救此哀鴻夫天災流行國家代有救臣奏上 朝廷曾撥帑金六萬散諸災區勢難備給非再有巨款接濟何能救此哀鴻夫天災流行國家代有救災恤患義不容辭况甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣未復禍機一發何堪設想今日之救甘民為甘民計未嘗非為全同計也現上海諸公已發起賑會無非出於愛國愛民之苦心同人復敢為甘民請命敬懇 仁人君子慨然解囊量力輸助以便彙寄該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處

北京驛馬市大街恆裕金店
天津獅子林北洋官報總局

名醫到津廣告

啟者四川曾建侯大令精岐黃歷在鄂豫京奉各局所當差所至俱以醫名屢起沉疴茲來津寓買家大橋福祿樓有患病者幸勿失此機會特佈

錢聽彝啟

甘肅來電廣告

各報館鑒甘荒惟首府各屬為最重有四年夫收者需賑銀四十餘萬兩已有半數現得透雨又無子種尙望提倡以救災黎

甘肅士紳同叩

速救黎災

敬告者現值甘肅省亢旱異常赤地千里小民直有易子為食之慘狀不忍聽聞亟應勸辦義賑以資協濟如蒙諸大神商善長慷慨捐賑款請送至北馬路商務總會掣取收據以便彙解災區散放拯救黎黎不勝盼切之至此佈

天津救急會謹啟

新 啟

告廣司公限有灰洋



啟者本公司係承受唐山洋灰公司老廠另購外洋最新式機器旋窩等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在天津奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

瑞林祥元記

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造磁鑽石戒指留耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

瑞林祥元記

本號開設北京前門外鮮魚口天津估依街中間路北山東濟南府院西路北自置綢緞紗羅顧繡紙蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外紳商賜顧移玉是幸

瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 鑲化屏風鏡額 磁銅料器瑤藍 奇巧美術玩器 學界文房用品 旋行携帶等件 精工鑲身物料 定藏各色磨氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

請看賣字助賑廣告

鄙人近因甘肅連年荒旱哀鴻遍野其慘狀令人不忍聽聞津門官紳商學醫藝各界均紛紛提倡助賑共成善舉鄙人毫無片長願以筆墨聊盡義務庶集腋之資或可補救於萬一自六月二十日起至九月二十日止以後無論潤資多寡概不收售今仍仿上年江北水災書畫慈善會辦法賣字助賑之款按月登報全數匯交災區如蒙賜件請交鍋店街宜蘭堂南紙局日界紅杏飯莊及英國菜市鄧公館代為交收潤資先付七日取件今將潤格各款列後

四尺楹聯 隸書篆書真書每付一 元六角八分 元五角

四尺挑山 隸書篆書真書每條一 元二角 六角 一元八角 元鐘鼎集錦加倍

四尺屏幅 隸書篆書真書每四扇二 元六角 一元六角 元鐘鼎集錦加倍

鐘鼎各體 團扇每件 五角 行書每件二角

名片真書六朝分書每名三角大匾一尺字起碼每字五角如字多字大照加

津紳籌募甘賑公啟

敬啟者甘省僻處西陲連年苦旱蘭涼各屬被災尤甚今春兼以雨澤愆期荒旱日亟小民賣兒鬻女覓食維艱以至草根樹皮剝掘殆盡人畜餓斃慘不忍聞甘省督藩乞賑各省函電紛馳雖經奏請 朝廷發帑賑恤然災區較廣徧給維難凡屬同胞詎宜膜視敬乞樂善大君子酌解囊餘不拘多寡吾人盡一分義務甘民活一分性命倘蒙允許請將該款送交北門內大宜門西引善社賬房代收掣取收據俟集有成數再由同人登報公布並公同提交甘省籌賑處匯寄災區以資散放甘民幸甚

故城陳筱華謹啟

發起人 劉恩渠 戴元樹 吳國蕃
 贊成人 胡家祐 蕭祖懋 郭漢章
 蘇景昌 徐嘉璣

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年起承印各項價目格外減讓以副官商雅意如蒙賜顧請至本局賬房面議可也

賣字助賑諸君請看

敬啟者鄙人因甘省旱災異常慘萬狀竊維紳商醫界後願效綿力仿照上年江北水災賣字助賑辦法計以三月為限所得潤資全數充賑旬日以來頗蒙社會所歡迎茲因發起伊始各處相繼賜件齊來紛至應付不遑鄙人作嫁依人日無瞬息於應盡責任內又不稍事變通移就負天職惟念甘省災區甚廣此大潤格又極從廉若不稍事變通移就急恐一經限滿則收件雖多而集資無幾似不足以濟要需而副厚望茲承諸同志先志擬試辦一月查行情形為何再為續辦以符原訂三個月期限所得潤資儘行助賑如蒙賜件請仍送交北馬路華勝燭皂公司或舊北門內永泰合洋貨舖及舊東門內冰窖胡同瑞恒錢局代為交收庶不致悞潤資先付七日取件茲將酌減潤格列下以供眾覽幸諒焉

七言楹聯八角
四尺挑山一元二角
六尺屏幅四扇一元二角
八扇五角
密股不書
名戳一角
連號兩角
不在單者另議

章武順連城謹啟

京奉鐵路局廣告

啟者新民府一帶潦水已退本路往來火車照常通行特此佈聞
京奉鐵路局車務處謹啟

京奉鐵路局廣告

啟者本鐵路天津至北京又塘沽至胥各莊各段內應行剝換舊道木約有一萬八千餘根其餘各段約有三四萬根現擬投標出售如願購買每根出價值若干開列封在信封內寄交本局華收支處彙齊定期開標特此佈聞
京奉鐵路局謹啟